

**KJKP "VODOVOD I KANALIZACIJA" d.o.o. SARAJEVO**  
**DIREKTOR**  
**Izvod broj : 73/17 lot 2**

Sarajevo, 11.12. 2017. godine

Na osnovu člana 64. stav 1. tačka b., člana 70. stav 1. 3. i 6. Zakona o javnim nabavkama (Sl. glasnik BiH br. 39/14), člana 27. Pravilnika o nabavci roba, vršenju usluga i ustupanju radova KJKP "Vodovod i kanalizacija" d.o.o. Sarajevo, te člana 41. Statuta preduzeća, na preporuku Komisije za javnu nabavku broj 73/17 lot 2 od 28.11.2017. godine, u postupku javne nabavke br. 73/17 lot 2 „**Bunarski pumpni agregati za mojmilski bunar MB8, bunar SKB3 – izvorište Sokolovići, bunar SKB4 - izvorište Sokolovići**“ donosi se :

**O D L U K A**

o izboru najpovoljnijeg ponuđača

**Član 1.**

Prihvata se preporuka Komisije za javne nabavke o izboru najpovoljnijeg ponuđača broj 73/17 lot 2 od 28.11.2017. godine i ugovor za javnu nabavku roba : „Bunarski pumpni agregati za mojmilski bunar MB8, bunar SKB3 – izvorište Sokolovići, bunar SKB4 - izvorište Sokolovići“ – tender broj 73/17 lot 2 dodjeljuje se ponuđaču : „**Elektro Univerzal“ d.o.o. Tuzla**, ponuda broj 451/2017 od 17.10.2017. godine, za ponudenu cijenu od **47.840,00 KM** bez PDV-a, kao najbolje ocijenjenom.

**Član 2.**

Prijedlog ugovora o nabavci dostaviti će se na potpis izabranom ponuđaču „**Elektro Univerzal“ d.o.o. Tuzla**, po proteku od 15 dana, računajući od dana kada su svi ponuđači obaviješteni o izboru najpovoljnijeg ponuđača.

**Član 3.**

Ova odluka objavit će se na web stanici [www.viksa.ba](http://www.viksa.ba) istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

**Član 4.**

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

**O b r a z l o ž e n j e**

Postupak javne nabavke pokrenut je Odlukom o pokretanju postupka javne nabavke broj : OP 73/17 od 16.08.2017. godine.

Javna nabavka je provedena putem otvorenog postupka nabavke.

Procijenjena vrijednost javne nabavke bez PDV-a iznosi : 95.000,00 KM.

Obavještenje o nabavci broj : 247-1-1-141-3-191/17 poslato je na objavljivanje na Portal javnih nabavki dana 24.08.2017. godine, a sažetak obavještenja o nabavci objavljen je u Sl. glasniku BiH broj : 63. od 01.09.2017. godine i ispravka obavještenja br: 247-1-1-141-8-232/17 poslato je na objavljivanje na Portal javnih nabavki dana 11.10.2017. godine, a sažetak obavještenja o nabavci objavljen je u Sl. glasniku BiH broj : 72. od 13.10.2017. godine.

Komisija za javnu nabavku imenovana je Rješenjem br. 293/16 od 03.11.2016.g., dopunskim Rješenjem članova komisije br. 73/17-1 od 16.08.2017. godine.

Komisija za javnu nabavku dostavila je dana 05.12.2017.g. Preporuku o izboru najpovoljnijeg ponuđača broj 73/17 lot 2 od 28.11.2017. godine u postupku javne nabavke roba : „Elektro Univerzal“ d.o.o. Tuzla, tender broj 73/17 lot 2.

Komisija za javnu nabavku je sačinila odgovarajuće zapisnike u kojima je utvrđeno sljedeće:

- Da je ukupan broj pristiglih ponuda : 5 (pet) ponuda – „Hidro – Termo Centar“ d.o.o. Sarajevo; „Ganges“ d.o.o. Doboj; „Etal BH“ d.o.o. Sarajevo; „CMC Ekocon“ d.o.o. Sarajevo i „Elektro Univerzal“ d.o.o. Tuzla

- Da su blagovremeno zaprimljene : 5 (pet) ponuda – „Hidro – Termo Centar“ d.o.o. Sarajevo; „Ganges“ d.o.o. Doboj; „Etal BH“ d.o.o. Sarajevo; „CMC Ekocon“ d.o.o. Sarajevo i „Elektro Univerzal“ d.o.o. Tuzla

- Da nije bilo neblagovremeno zaprimljenih ponuda

- Da dostavljene ponude ponuđača „Hidro –Termo Centar“ d.o.o. Sarajevo, „Ganges“ d.o.o. Doboj, „Etal BH“ d.o.o. Sarajevo, „ CMC Ekocon“ d.o.o. Sarajevo i „Elektro Univerzal“ d.o.o. Tuzla ispunjavaju zahtjevano tenderske uslove prema obliku i potpunosti u smislu pripreme ponude.

- Ponude ponuđača „Hidro-Termo Centar“ d.o.o. Sarajevo, „Ganges“ d.o.o. Doboj“, „ Etal BH“ d.o.o. Sarajevo, „CMC Ekocon“ d.o.o. Sarajevo i „Elektro Univerzal“ d.o.o. Tuzla ispunjavaju kvalifikacione uslove obzirom na iskazane zahtjeve ugovornog organa u tenderskoj dokumentaciji.

-Pregledom ponude ponuđača „Etal BH“ d.o.o. Sarajevo, konstatovano je da ponuđač ne ispunjava zahtijevane uslove u skladu sa tačkom 17.1 **Priprema ponude**, tenderske dokumentacije, iz razloga što je ponuđač u ponudi na str.,38.,39., 40. i 41/45 u Prilogu 7. ( Nacrt ugovora o javnoj nabavci ), u členu 2.,**„izvršio izmjenu zahtjevanih uslova“**, odnosno, izmijenio tekst: u dijelu "bez uključenog PDV-a je fiksna "

U Prilogu 7. tenderske dokumentacije ( Nacrt ugovora o javnoj nabavci), članom 2. je zahtijevano: " bez poreza na dodanu vrijednost je fiksna" U členu 6. **„izvršio izmjenu zahtjevanih uslova“**, odnosno izvršio izmjenu teksta u dijelu: "Način i uslovi plaćanja su: 60 (šesdeset) dana od dana ispostavljanja fakture". U Prilogu 7. tenderske dokumentacije ( Nacrt ugovora o javnoj nabavci), članom 6. je zahtijevano: "Način i uslovi plaćanja su: u roku od 60 dana od dana isporuke robe i ispostavljanja fakture"

U členu 9.,**„izvršio izmjenu zahtjevanih uslova“**, odnosno "ili instalisanju" obrisao, te dodao rečenicu:" Garancija ne obuhvata kvarove nastale uslijed greške prilikom instalisanja pumpe od strane kupca".

U Prilogu 7. tenderske dokumentacije ( Nacrt ugovora o javnoj nabavci), članom 9. je zahtijevano: „Robe koje su predmet ovog Ugovora, moraju biti u skladu sa kvalitetom naznačenim u usvojenoj ponudi. Ukoliko se utvrdi da roba koju je Prodavac isporučio ima greške ili nije ugovorenog kvaliteta, Prodavac je dužan robu koja je predmet reklamacije zamijeniti sa novom. Prodavac daje garanciju na kvalitet i funkcionalnost na svu isporučenu robu u trajanju \_\_\_\_\_ od ugradnje (minimalno 12 mjeseci od ugradnje), odnosno \_\_\_\_\_ od isporuke (minimalno 18 mjeseci od isporuke). Garancija za isporučenu robu obuhvata sve kvarove nastale usljed grešaka u projektovanju, proizvodnji i materijalu ili instalisanju. Prodavac se obavezuje dostaviti prilikom isporuke robe Garantni list sa garantnim uslovima (minimalno 12 mjeseci od ugradnje, odnosno 18 mjeseci od isporuke).“

U članu 15. "izvršio izmjenu zahtjevanih uslova", odnosno izbrisao dio teksta: " sa svom popratnom dokumentacijom " U Prilogu 7. tenderske dokumentacije ( Nacrt ugovora o javnoj nabavci), članom 15.. je zahtjevano: "Usvojena ponuda br. \_\_\_\_\_ od \_\_\_\_\_. god., sa svom popratnom dokumentacijom"

Obzirom na navedeno, Komisija je utvrdila da ponuda ponuđača: „Etal BH“ d.o.o. Sarajevo ne ispunjava zahtjeve ugovornog organa u skladu sa tačkom 17.1-Priprema ponude tražene tenderskom dokumentacijom, a u skladu sa čl.98. stav.4. tačka i). ZJN BiH, zbog čega se ova ponuda smatra neprihvatljivom i ista se odbacuje.

Daljim pregledom ponuda konstatovano je da ponuđači da ponuđači „Hidro-Termo Centar“ d.o.o. Sarajevo, „Ganges“ d.o.o. Doboj i „CMC Ekocon“ d.o.o. Sarajevo ne ispunjavaju zahtijevane kvalifikacione uslove iz tačke 7. tenderske dokumentacije i to :

Ponuđač „Hidro-Termo Centar“ d.o.o. Sarajevo iz sljedećih razloga :

- Detaljne hidrauličke karakteristike, Q-H, Q- $\eta$ , Q-NPSH, Q-N za pozicije 1.1, 1.2 i 1.3 nisu date bez nepovratnog ventila a što je traženo tenderskom dokumentacijom.
- Za poziciju 1.1 nije data brzina oko motora od 0 m/s ( data je 0,16 m/s )

Ponuđač „Ganges“ d.o.o. Doboj iz sljedećih razloga :

- Detaljne hidrauličke karakteristike, Q-H, Q- $\eta$ , Q-NPSH, Q-N za pozicije 1.1, 1.2 i 1.3 dat je stepen iskorištenja pumpi niži od minimalnog stepena iskorištenja traženog u tenderskoj dokumentaciji.
- Za pozicije 1.1, 1.2 i 1.3 nisu date bez nepovratnog ventila a što je traženo tenderskom dokumentacijom.
- Tražene mehaničke i hidrauličke karakteristika nepovratnog ventila nisu date
- Za pozicije 1.2 i 1.3 nije dat crtež usisnog plašta sa ugradbenim mjerama i težinama
- Za pozicije 1.2 i 1.3 nije dat materijal usisnog plašta sa ugradbenim mjerama i težinama
- Za poziciju 1.1 nije data brzina oko motora 0 m/s ( data 0,16 m/s )

Ponuđač „CMC Ekocon“ d.o.o. Sarajevo iz sljedećih razloga :

- Detaljne hidrauličke karakteristike, Q-H, Q- $\eta$ , Q-NPSH, Q-N za pozicije 1.1, 1.2 i 1.3 nisu date bez nepovratnog ventila a što je traženo tenderskom dokumentacijom.

Komisija je utvrdila da ponude ponuđača „Hidro-Termo Centar“ d.o.o. Sarajevo, „Ganges“ d.o.o. Doboj i „CMC Ekocon“ d.o.o. Sarajevo ne ispunjavaju zahtjeve ugovornog organa tražene tenderskom dokumentacijom, zbog čega se ponude ovih ponuđača smatraju neprihvatljivim i iste se odbacuju.

Pregledom ponude ponuđača „Elektro Univerzal“ d.o.o. Tuzla od strane stručnih lica za predmetnu nabavku konstatovano da ponuđač „Elektro Univerzal“ d.o.o. Tuzla ispunjava zahtjeve u pogledu opisa predmeta nabavke i tehničke specifikacije.

Računskom kontrolom specifikacije ponude ponuđača „Elektro Univerzal“ d.o.o. Tuzla konstatovano je da u ponudi ponuđača „Elektro Univerzal“ d.o.o. Tuzla nema grešaka računске prirode.

Ugovorni organ dodjeljuje ugovor na osnovu sljedećeg kriterija: Najniža cijena (čl. 64. stav 1. tačka b) ZJN).

**Primjenjujući zadate kriterije, izvršena je analiza prihvatljivih ponuda prema kriteriju za izbor ponude :**

RB.	Ponudač	Cijena iz ponude bez PDV-a u KM	Popust i sl.	Cijena sa popustom u KM	Preferencijaln i tretman domaćeg	Cijena sa popustom umanjena za preferencijaln i tretman (umanjena za 10%)	Ukupno bodova	Redoslijed ponuda po broju bodova
1.	Elektro Univerzal doo Tuzla	47.840,00	-	47.840,00	-	-	100	1.

**Nakon izvršenog vrednovanja ponuda prema utvrđenom kriteriju, izvršeno je rangiranje prihvatljivih ponuda prema kriteriju za izbor ponude. Redoslijed ponuda je sljedeći:**

Rb.	Ponudač	Redoslijed ponuda
1.	„Elektro Univerzal“ d.o.o. Tuzla	1.

Za najpovoljniju ponudu ocjenjena je ponuda ponuđača „Elektro Univerzal“ d.o.o. Tuzla čija vrijednost ponude iznosi: **47.840,00 KM bez PDV-a.**

Iz gore navedenih razloga, primjenom člana 64. stav 1. tačka b. ZJN, donesena je Odluka o izboru najpovoljnijeg ponuđača kao u članu 1. ove odluke.

**Pouka o pravnom lijeku :**

Protiv ove odluke može se izjaviti žalba, najkasnije u roku od 10 (deset) dana od dana prijema ove odluke.

Dostaviti :  
- Ponudaču  
- a/a

*Madaric*  
*Dun*



v.d. Direktor

*Azra Muzur*

Azra Muzur, dipl.inž.grad.